



KONTRATA SOCIALE ELBASAN

RAPORT MBI MONITORIMIN E PËRMBUSHJES SË PRIORITETEVE SHTATOR 2022-SHTATOR 2023

RAPORTI I DYTË I MONITORIMIT

**PËRGATITUR NGA:
TJETËR VIZION ELBASAN**

POP – PËRBALLJA E OFERTAVE POLITIKE

Shtator 2022- Shtator 2023

Rrjeti “Përballja e Ofertave Politike – POP”, synon të rrisë debatin publik dhe informacionin te qytetarët si dhe orientimin e platformave drejt nevojave dhe prioriteteve të tyre. Përmes aktiviteteve projekti synon të forcojë demokracinë shqiptare, duke nxitur transparencën dhe llogaridhënien. Përballja e Ofertave Politike - POP, është një nismë e rrjetit të organizatave të shoqërisë civile shqiptare mbështetur nga Olof Palme International Centre në kuadër të një programi të financuar nga Suedia: “Shoqëria Civile, Pjesëmarrja Qytetare, Llogaridhënia dhe Ndryshimi Social” dhe National Endowment for Democracy.

Anëtarët e Rrjetit POP janë organizatat si më poshtë:

Qendra “Aleanca Gjimore per Zhvillim”, Tiranë;
Qendra “Për Zhvillimin e Shoqërisë Civile”, Durrës;
“Qendra Rinore” Vlorë;
Qendra “Epoka e Re”, Fier;
“Intelektualët e Rinj Shpresë”, Shkodër;
“Lëvizja Rinore për Demokraci”, Pukë;
“Qendra Rinore për Progres”, Kukës;
“Hapa të Lehtë”, Vau i Dejës;
“Tjetër Vizion”, Elbasan;
“Gruaja në Zhvillim”, Korçë.

Ky Raport është Përgatitur nga Shoqata Tjetër Vizion në kuadër të projektit POP 2022 “Kontrata Sociale, mjet për të forcuar marrëdhëniet mes qytetareve dhe pushtetarëve” dhe nuk përfaqëson qëndrimin e Olof Palme International Center dhe National Endowment for Democracy. Gjetjet dhe qëndrimet në raport janë përgjegjësi vetëm e autorëve.

Tabela Përmbledhëse

Shkurtime-----	4
Falenderime-----	5
Hyrje-----	6
Metodologjia-----	7
Analiza e gjetjeve për secilin Prioritet sipas Kontratës Sociale -----	11
Vleresim i thelluar& Perfundime, rekomandime-----	14
Anekse; Kontrata Sociale & Grafikët -----	15

Shkurtime

NE	Ndihmë Ekonomike
NJA	Njësi Administrative
URB	Zonat Urbane
RUR	Zonat Rurale
GADC	Qendra “Aleanca Gjinore për Zhvillimi”
OJF	Organizata Jo Fitimprurëse
KB	Këshilli Bashkiak
VKM	Vendim i Këshillit të Ministrave
PAK	Personat me aftësi të kufizuar
POP	Përballja e Ofertave Politike
MKR	Mekanizmi i Koordinuar i Referimit
MSHMS	Ministria e Shëndetësisë dhe Mbrojtjes Sociale
BTF	Bashki të Forta
COVID - 19	Pandemia e Virusit Korona
AZHRB	Agjencia e Zhvillimit Bujqësor dhe Rural
UKT	Ujësjetës Kanalizime

Falenderime

Për të hartuar Raportin e 12-mujorit të vitit të dytë të monitorimit të Kontratës Sociale, bashkëpunuam me shumë aktorë e institucione. Falenderojmë Bashkinë Elbasan dhe drejtoritë përkatëse, për vënien në dispozicion të informacioneve të kërkuara; Kryetarin e Bashkisë z. Gledian Llatja, Drejtorin e Shërbimit social të bashkisë z. Ervin Muço për disponibilitetin e tyre në komunikimet e vazhdueshme përgjatë vitit të parë të monitorimit të Kontratës Sociale të Elbasanit.

Falenderojmë në mënyrë të veçantë qytetarët që pranuan t'i përgjigjeshin pyetjeve tona, anëtarët e rrjetit Përballja e Ofertave Politike (POP) si edhe një falenderim për stafin dhe vullnetarët e Tjetër Vizion të cilët që prej momentit të nënshkrimit të Kontratës Sociale kanë qenë në monitorim të vazhdueshëm të punës së Bashkisë dhe vendimeve të Këshillit Bashkiak.

Gjithashtu, dëshirojmë të falenderojmë *Olof Palme International Center* dhe *NED – National Endowment for Democracy* për ndihmën teknike e financiare, pa të cilët do të ishte e pamundur të hartohesh ky raport dhe të realizoheshin aktivitete të ndryshme nga Rrjeti POP.

Hyrje

Shoqata Tjetër Vizion u bë pjesë e Rrjetit POP në vitin 2021 duke filluar aktivitetet e saj në muajin Maj 2021.

Forumi për deklarimin dhe nënshkrimin e Kontratës Sociale¹ Elbasan u organizua në datë 30 korrik 2021² dhe u finalizua me firmosjen e saj nga Kryetari i Bashkisë, z. Gledian Llatja, i cili mori përsipër që prioritetet kryesore të pasqyruara në këtë kontratë dhe të dala nga komuniteti i Elbasanit do të jenë përparësi edhe e punës së tij gjatë mandatit deri në vitin 2023 kur do të zhvillohen zgjedhjet e ardhshme lokale.

Ky raport vlerëson progresin e bërë në realizimin e prioriteteve të Kontratës Sociale për periudhën 12- mujore Shtator 2022- Shtator 2023.

Gjatë kësaj periudhe organizata kishte si qëllim:

- Të monitorojë Këshillin Bashkiak dhe veprimtarinë e Bashkisë për marrjen dhe zbatimin e masave në kuadër të adresimit të prioriteteve të Kontratës Sociale;
- Të raportojë gjetjet dhe rekomandimet;
- Të llobojë dhe advokojë për përmbushjen e prioriteteve të qytetarëve, sidomos në kuadër të dimensionit social, transparencës dhe llogaridhënies.
- Të monitorojë median sociale mbi informimin dhe përmbushjen e prioriteteve të K.S
- Angazhimin e grupeve qytetare në fushata advokimi dhe lobimi për përmbushjen e prioriteteve të Kontratës Sociale.

¹Kontrata Sociale Elbasan: <https://popnetwork.al/elbasan-kontrata-sociale/>

² Nenshkrimi I Kontrates Sociale:

<https://www.facebook.com/groups/344865938888020/posts/6046021025439121/>

Metodologjia

Për të realizuar raportin, Tjetër Vizion, anëtare e rrjetit POP u bazua në hapat e mëposhtëm:

U monitorua puna e Bashkisë Elbasan dhe vendimet e Këshillit Bashkiak për periudhën **Shtator 2022 -Shtator 2023**

U analizua një vit sfidues por i mbushur me aktivitete dhe qasje të komunitetit për përfshirje.

- Stafi i shoqatës Tjetër Vizion hartoi raportin paraprak të monitorimit të kontratës Sociale për Bashkinë Elbasan, i cili përfshiu periudhën kohore Dhjetor 2021- Shtator 2022.
- Stafi shoqatës Tjetër Vizion monitori Mbledhjet dhe vendimet e Këshillit Bashkiak (KB) Shtator-Dhjetor 2022 dhe mbledhjet e KB për vitin 2023 sipas datave; 13.02; 28.03; 25.04; 26.5; 09.06; 25.07; 31.08. Ne takime u vleresuan dhe ndanë vendimet lidhur me prioritete e kontrates sociale.
- Shoqata Tjetër Vizion zhvilloi fokus grup informues në Njësinë Administrative nr.1. Në takim u diskutua për kontratën sociale 2021-2023. Përmbushja e prioriteteve të kësaj kontrate, prioritet e papërmshura arsyet pse nuk janë përmbushur dhe monitorimi i vazhdueshëm deri në përmbushjen e plotë të prioriteteve të mbetura të kontratës. Të pranishmit diskutuan duke u shprehur të kënaqur për prioritetet e përmbushura por gjithashtu nxorën në pah edhe problematika të reja si; mungesa e një kopështi alternative për fëmijët e nënave beqare me problem social ekonomike, nënave të dhunuara të cilat nuk kanë mundësi të mbajnë fëmijët pasi punojnë me orare të zgjatura, (prioritet, i cili është përfshirë tek prioritetet e kontratës së re).
- Në datën 19.10.2023 Shoqata Tjetër Vizion organizoi një përballje me komunitetin e NJA Papër për të informuar dhe monitoruar nga këndvështrimi komunitar përmbushjen e prioriteteve të kontratës sociale për këtë njësi. 2 nga prioritetet e dala nga komuniteti i kësaj njësie si përmirësimi i shërbimit të pastrimit dhe shtimi i koshave të plehrave si dhe vendosja e urbanit për komunitetin që udhëton nga njësi në Elbasan dhe e kundërta, rezultoi të jenë përmbushur nga bashkia. Gjithsesi ka vend për përmirësim të mëtejshëm brenda këtyre 2 shërbimeve. Pjesëmarrësit në takim nxorën në pah edhe problematika të tjera si; mungesa e një linje autobuzi, mungesa e një çerdheje etj. Rekomandimet e komunitetit ju përcollën Bashkisë Elbasan për t'u përfshirë në axhendën e saj të shërbimeve publike.
- Shoqata Tjetër Vizion në dt.31.10.2023 ishte në një tjetër përballje me komunitetin e NJA Funar për të informuar dhe monitoruar nga këndvështrimi komunitar përmbushjen e prioriteteve të kontratës sociale për këtë njësi. Një nga prioritetet e dala nga komuniteti i kësaj njësie si rikonstruksioni i urës që lidh disa fshatra të njësisë rezultoi të jetë përmbushur nga bashkia. Gjithsesi pjesëmarrësit në takim vlerësuan punën e bërë nga bashkia dhe nënvizuan prioritetet e reja për t'u përfshirë në axhendën e shërbimeve publike të bashkisë. Rekomandimet e komunitetit u fokusuan sidomos në rehabilitimin e rrugës kryesore që lidh bashkinë me NJA, I cili është përcjellë Bashkisë Elbasan për t'u

përfshirë në axhenden e saj të shërbimeve publike. Pjesëmarrësit u informuan se bashkia e ka përfshirë në buxhetin e v. 2024 rikonstruksionin e pjesëve të dëmtuara të rrugës kryesore. Shoqata Tjetër Vizion në dt.30.10.2023 ishte në një tjetër përballje me grupe ne nevojë për të informuar dhe monitoruar nga këndvështrimi komunitar përmbushjen e prioriteteve të kontratës sociale. Pjesëmarrësit në takim vlerësuan punën e bërë nga bashkia dhe diskutuan prioritete të reja për t'u përfshirë në axhendën e shërbimeve publike të bashkisë. Rekomandimet e grave në nevojë ishin; Ngritja e një qendre komunitare multifunktionale, shtimi i autobuzëve urban nga 1 në çdo 1 orë në 1 në çdo 30 minuta, të zëvendësimi autobuzët shumë të vjetër me autobuzë të rinj.

- Shoqata Tjetër Vizion në dt.25.10.2023 organizoi një tjetër përballje me komunitetin e NJA Shirgjan për të informuar dhe monitoruar nga këndvështrimi komunitar përmbushjen e prioriteteve të kontratës sociale për këtë njësi. Një nga prioritetet e dala nga komuniteti i kësaj njësie ishte furnizimi i vazhdueshëm me ujë për vadijtje. Ky prioritet rezulton të jetë përmbushur nga bashkia. Pjesëmarrësit në takim vlerësuan punën e bërë nga bashkia dhe ngritën prioritete të reja për t'u përfshirë në axhendën e shërbimeve publike të bashkisë. Rekomandimet e komunitetit u fokusuan në prioritete si; Ndërrimi i tubacionit kryesor të ujit të pijshëm nga fshati Mjeksi në Kuqan, sheshpushime për vendqëndrimet e autobuzave, hapja e një kanali vaditës për fashtrat Polis-Tudan dhe rregullimi i defektit në tubat e transmetimit të ujit të pijshëm në zonën Kuqan-Mjekës, i janë përcjellë Bashkisë Elbasan për t'u përfshirë në axhenden e saj të shërbimeve publike.
- Në kuadër të përbushjes së prioriteteve të Kontratës Sociale Tjetër Vizion në dt.04.10.2023 iu drejtua me një shkresë zyrtare Bashkisë Elbasan për dhënie informacioni lidhur me punën e Bashkisë Elbasan dhe vendimet e Këshillit Bashkiak për periudhën Shtator 2022-Shtator 2023 në lidhje me prioritete e Kontratës Sociale të firmosur me dt. 30.07.2021. Bashkia Elbasan ende nuk ka sjellë një përgjigje zyrtare por është mjaftuar me dhënien përgjigje të kërkesës tonë të dërguar në dt.09.09.2022. Në përgjigjen e saj dt 11.10.2022 informon lidhur me realizimin e prioriteteve të Kontratës Sociale si dhe jep informacion shtesë për investime të tjera të ndërmarra nga bashkia në këto zona. Sipas shkresës zyrtare realizimi i prioriteteve të Kontratës Sociale është në nivelin 80% dhe pjesa tjetër prej 20% do realizohet në vijim deri në përmbylljen e mandatit.
- Në kuadër të përbushjes së prioriteteve të Kontratës Sociale Tjetër Vizion në iu drejtua me një shkresë zyrtare Bashkisë Elbasan për dhënie informacioni lidhur me nivelin e realizimit të këtyre prioriteteve.
- Gjatë gjithë periudhës së raportimit stafi I TVO ka punuar për informimin dhe ndërgjegjësimin komunitar në lidhje me kërkesat e tyre për përmbushjen e prioriteteve. Në këtë kuadër janë shpërndarë fletëpalosje dhe kopje të kontratës sociale të cilat përmbajnë prioritetet e përmbushura dhe ato të pa realizuara. Është nxitur komuniteti në takime që ti marrë në konsideratë të gjitha prioritetet e përcaktuara në mënyrë që të ngrejë zërin dhe nxisë llogaridhënien e pushtetarëve lokale gjatë takimeve që këta të fundit realizojnë me komunitetin.

- Është monitoruar në mënyrë frekvente gjatë gjithë periudhës së raportimit media sociale e Bashkisë Elbasan, media personale e kryebashkiakut Llatja si dhe media TV dhe e shkruar në lidhje me realizimin e prioriteteve dhe çdo formë tjetër premtimi që ata kanë deklaruar të përmbushur. Në fakt vihet re që nuk ka pas fake neës, vetëm deklarime të investimeve të realizuara ose ato që do të fillojnë.
- Monitorimi i investimit fillestar fizik në rrugën mbi lumin shkumbin në Paper-Sollak.
- Eshte shoqëruar ekipi i kryetarit të bashkisë në NJA Shirgjan për të monitoruar punimet për pritrat lumore të lumit shkumbin dhe përmirësuar aksesin e banorëve për ujë për vadijtje.
- Vizitë monitoruese me kryebashkiakun dhe stafin e saj në lidhje me inagurimin e rrugës rurale të Shushicës - Fush buall, loti 1 (investim i cili do të rrisë mundësitë turistëve të zonës ku jetojnë 1200 banorë).
- Monitorimi i investimit të këndit të lojrave në kopshtin nr 2, Njësia 4 si pjesë e premtimeve për përmirësimin e infrastruktures së kopshteve dhe shkollave të kësaj njësie.
- Vizitë monitoruese me kryebashkiakun dhe stafin e saj në lidhje me pastrimin e qytetit dhe situatën e koshëve të plehrave.
- Monitorim me stafin e kryebashkiakut të përfundimit të rrugës Fushë Buall në njësinë administrative Shushicë.
- Monitorimi i punimeve të përfundimit të sistemit vaditës të Labinot -Fushë.
- Tjetër Vizion ishte pjesë e inagurimit të pikës së informacionit turistik të Funarit me prezencën e kryetarit të Bashkisë dhe komunitetit.
- Bashkia Elbasan po eksperimenton me një projekt të ri, me vendosjen e disa kazanëve ku edhe makinat e pastrimit do merren me pastrimin e zonave rurale.
- Bashkia Elbasan ka marrë nën administrim impiantin e përpunimit të mbetjeve urbane e cila është një sfidë për bashkinë pasi është një megastrukturë, e cila manaxhohet nga Bashkia Elbasan, por synon të përpunojë të gjitha mbetjet e qarkut Elbasan.
- Gjatë muajit Tetor Shoqata Tjetër Vizion ka monitoruar të gjithë procesin e buxhetimit me pjesëmarrje që ka realizuar Bashkia Elbasan.
- Buxhetimi me pjesëmarrje filloi në Dt. 26.10.2022. Bashkia nëpërmjet një email ftoi të gjithë NGO-të e bashkisë për të qënë pjesë e takimeve jo vetëm si pjesëmarrëse por edhe vëzhguese të këtij procesi. Tjetër Vizion insistoi dhe ka kërkuar që përveç faktit të pjesëmarrjes në takime të ftoj kryetarin e bashkisë edhe në takime të dedikuara për target grupet në nevojë që ajo përfaqëson. Në këto dëgjesa publike, Bashkia ka dhënë llogari për punën e bërë gjatë një viti në veçanti prioritetet e dala nga takimet e mëparshme dhe niveli i realizimit të tyre si dhe të informoj për të gjitha investimet e realizuara deri tani. Ky proces ka shërbyer jo vetëm si proces llogaridhënie por edhe proces informues për të gjitha llojet e investimeve dhe ndërhyrjeve në bashki. Vlen të përmendet fakti se për shkak të startimit të fushatës zgjedhore lokale në këto takime ka qënë prezent vetë K/bashkisë, i ka dhënë rëndësi informimit dhe promovimit të çdo lloj ndërhyrje të realizuar dhe ato që janë planifikuar në vazhdimësi. Gjithashtu qytetaret prezentë në

takime kanë identifikuar prioritetet e reja që shqetësojnë komunitetin. Në fund të takimeve këto prioritate janë votuar dhe ato që kishin pikëzimin më të lartë u bënë pjesë e axhendës së punës për periudhën në vazhdim nga Bashkia Elbasan. Shoqata Tjetër Vizion po vazhdon të monitorojë të gjithë procesin e buxhetimit me pjesëmarrje që Bashkia Elbasan po realizon për vitin 2023, proces i cili do vijojë gjatë gjithë muajit Nëntor 2023 sipas kalendarit të miratuar nga Bashkia Elbasan.

- Gjatë monitorimit të vazhdueshëm të Kontratës Sociale, nga Tjeter Vizion është ndjekur hap pas hapi realizimi i prioritetëve të firmosura në kontratë. Pjesa më e madhe e tyre është realizuar. Një nga prioritetet e cila afekton një pjesë të mirë të Rajonit Nr.1 ishte rehabilitimi i rrugës së ish konservimit. Ky prioritet rezultonte i pa bërë deri në fund të Shtatorit 2022.
- Me qëllim realizimin e këtij prioriteti Tjeter Vizion filloi një Fushatë advokuese. Në fillim ju dërgua një shkresë zyrtare Bashkisë Elbasan në dt.09.09.2022 me nr Prot. 42064/1 dhënie informacioni për të gjitha prioritetet e kontratës sociale, ku theksohej edhe se sa i rëndësishëm ishte fakti i rehabilitimit të rrugës së ish konservimit dhe se sa banorë dhe biznese afektoheshin nga ky rehabilitim. Më pas janë realizuar takime periodike me administratoren e Njësisë si dhe vetë kryetarin e bashkisë duke i bërë present problematikat dhe nevojës emergjente për ndërhyrje.
- Pas shkresës zyrtare Tjeter Vizion monitoroi buxhetimin me pjesëmarrje tek NjA nr.1 dt.26.10.2022. Gjatë takimit në këtë njësi ky prioritet u ngrit sërish nga banorët duke e vënë në plan të parë nga pikëzimi që mori gjatë takimit. Bashkia u zotua që do e realizonte këtë prioritet gjatë 2 muajve të ardhshëm. Në kuadër të fushatës advokuese Tjeter Vizion nëpërmjet përfaqësueses së saj Zj. Ardiana Kasa fitoi në një debat televiziv Bashkinë Elbasan. Në emisionin televiziv të titullur De fakto në dt.27.10 në stacionin lokal televiziv Skampa Zj. Kasa u vu përball N/kryetarit të Bashkisë Z. Guni. Gjatë debatit televiziv u diskutua kontrata sociale, prioritetet e firmosura për t'u realizuar nga bashkia, sa ishin realizuar dhe zotimet e bashkisë se kur do të realizoheshin prioritetet e papërbushura. Bashkia nëpërmjet përfaqësuesit të saj u zotua që deri në përfundim të këtij mandati do të realizonte prioritetet e pa përmbushura. Gjate periudhes referuese ne 3.03.2023 ky prioritet është realizuar, rruga u asfaltua dhe u vendosën sinjalistikat e duhura rrugore.

Analiza e gjetjeve për secilin Prioritet sipas Kontratës Sociale Gjetjet nga monitorimi dhe informacioni i Bashkisë Elbasan

Prioritet 1: Hartimi i një projekti dhe më pas financimi për rehabilitimin e rrugës kryesore që lidh bashkinë me njësitë administrative dhe vijimi i investimeve që përmirësojnë infrastrukturën dhe rrugët dytësore, për secilën njësi.

- **NjA Funar**–Projektimi i rrugës kryesore që lidh njësinë me Bashkinë Elbasan – Nga raportimi dhe monitorimi në terren rezulton se nuk është realizuar ende, por Bashkia në partneritet me OSSH ka vijuar me ndriçimin e qëndrës së fshatit dhe disa fshatra të njësisë dhe do vijojë me punimet e kanalizimeve dhe më pas me rikonstruksionin e rrugëve. Gjithashtu në Partneritet me organizatën Tjetër Vizion në kuadër të projektit CBCme bashkinë e Krusevos, (Maqedoni e veriut) nxiti dhe investoi për infrastrukturën e turizmit të aventurës duke përfshirë shënjimin e rrugëve, ngjitje me tabela treguese, ndërtimin e një zyre informuese turistike për turistët, ndërtimin e sheshit për hedhjen me parachute dhe disa aktivitete të tjera outdoor, të cilat u inaguruan ne 10 Qershor 2023 dhe do të nxisin zhvillimin ekonomik të zonës. **Rezulton që ndërhyrja nuk është realizuar akoma.** Kjo rrugë është përfshirë në buxhetin e Viti. 2024 për t’u rehabilituar.
- **NjA Funar** –qendër Branesh - Rikonstruktimi i urës së fshatit – **Rezulton që ndërhyrja është realizuar.**
- **NjA Shushicë** - Rikonstruksioni i rrugës së Shelcanit - në dt.30 Tetor ka përfunduar asfaltimi i rrugës, i cili më pas ka vijuar me vijëzimin dhe vendosjen e sinjalistikës rrugore. Nga monitorimi i zonës, respektivisht në NJ.A të Shushicës u konstatua ndërtimi i shkollës 9- vjeçare të Mlizës; u ndërtua Ura e Polisit si dhe u ngrit Qendra Komunitare Multifunktionale e Shushicës. Këto ishin prioritetet e ngritura nga komuniteti i zonës në proceset e mëparshme të buxhetimit me pjesëmarrje.
- **NjA 1 Elbasan** - Pajisja me ndriçim në rrugën kryesore. Gjatë vitit 2022 është vijuar me mirëmbajtjen e ndriçimit ekzistues si riparime, ndërrime ndriçuesish etj.
- **NjA1** - Rehabilitimi i rrugës së ish konservimit. Ka përfunduar asfaltimi i rrugës, i cili më pas ka vijuar me vijëzimin dhe vendosjen e sinjalistikës rrugore– **Rezulton që ndërhyrja është realizuar**
- **NjA 1** - Rikonstruksioni i rrugës së varrezave në lagjen Emin Matraxhiu. Nga monitorimi në vend por edhe nga deklarimi i Bashkisë Elbasan **rezulton se kjo rrugë ka përfunduar.**

Prioritet 2. Adresimi me prioritet i furnizimit me ujë dhe problemeve me kanalizimet për secilën prej njësive vijuese.

- **Në lagjen 28 Nëntori** – Komuniteti i zonës ka deklaruar se ka pallate që kanë 2 ore ujë të pijshëm në dite, kërkohet zgjerimi i fashës së orarit. Koha me furnizim të ujit të pishëm ende vazhdon të jetë në të njëjtën frekuencë kohore. Nga komunikimi me specialiste të drejtorisë së UK Elbasan në lagjen 28 Nëntori furnizimi me ujë është me orare si në të gjithë qytetin. Përfshirja e të gjithë pallateve të vjetra në një projekt për pajisjen me kollona jashtë në ambientet e përbashkëta të pajisur me matës dhe me kasete për çdo klient do të bëjë të mundur rritjen e fashës orare të furnizimit me ujë. Pallatet që do të nënshtrohen këtij projekti janë 4, 5, 6, 9,108,108/G, 108/F, 420, 421,434/1, 421/1,109, 427, 120/6,120/5, 120/4,120/7, 430, 422 /a, b, 108/9 etj. Ky projekt është në fazën e zbatimit të punimeve. Bashkë me këtë projekt po zbatohet edhe projekti i linjave të reja në lagjen e NSHU dhe ndërtimi i depozitave e stacionit të ri të pompimit. Zgjerimi i fashës orare të furnizimit me ujë do të jetë në kuadër të gjithë qytetit dhe objektivi është 24 orë/24.
- **NJA Funar** – Rikonstruksioni i shpërndarjes së ujit të pijshëm. Njësia Administrative Funar mbulohet me shërbim nga UK Elbasan. Në Branesh është investuar në rrjetin kryesor nga depo e ujit, është investuar me rrjet shpërndarës dhe instalime kolektorësh dhe matësash uji. Është përmirësuar furnizimi me ujë si në lidhje me cilësinë, sasinë dhe orarin e furnizimit.
- **NJA Shirgjan**–Komuniteti ka deklaruar se ka ditë që mungon uji për vaditje, sigurimi në mënyrë të vazhdueshme i ujit për vaditje. Në lidhje me ujitjen dhe problematikat me mungesën e ujit në Njësine Administrative Shirgjan informohet se kjo problematike vjen si pasojë e Teçeve të Librazhdit të cilët bëjnë hapjen dhe mbylljen e ujit dhe kjo sjell oshilacion të prurjeve për ujitje. Bashkia Elbasan ka bërë disa ndërhyrje nëpërmjet Agjencisë së Shërbimeve Publike ku gjate muajit Maj ka kryer një punë për të vënë në funksion më shumë 6.5 km kanale vaditëse në Shirgjan që i vijnë në funksion 2000 fermerëve të gjithë zonës së fushës së Elbasanit. Ky fakt ka qenë prioritet dhe në vëmendjen e sektorit të Agjencisë së Shërbimeve Publike për vitin 2022-2023. Banorët shprehen se ky prioritet është përmbushur nga bashkia Elbasan tashmë

Prioritet 3. Përmirësimi i cilësisë së pastrimit sipas njësive.

- **NJA Papër** - Mungojnë koshat për grumbullimin e plehrave, vendosja e koshave të plehrave dhe heqja e tyre në mënyrë periodike. Përsa i përket cilësisë së pastrimit për njësine Administrative Papër deklarohet nga përfaqësuesit e bashkisë se me ardhjen e kontenierëve të rinj si dhe me ardhjen e makinave të reja të pastrimit është bere e mundur shtimi i vendgrumbullimeve dhe pastrimi i tyre në një interval kohor me të shpeshtë.
- **NJA Funar** - Mungojnë koshat e plehrave, kërkohet vendosja e koshave të plehrave dhe heqja e tyre në mënyrë periodike. Në Njësine Administrative Funar aktualisht ofrohet

shërbimi i pastrimit, por 2-3 here në muaj. Nga Fokus grupi me banorët e zonës vërejmë se ka nevojë për më shumë kosha në lagje ku nuk janë në sasinë e duhur dhe një pastrim më të shpeshtë 4-5 here në muaj.

- **NjA 1** - Kosha plehrash ka por janë larg vendeve të banimit, të bëhet heqja e plehrave në mënyrë periodike. Drejtoria e shërbimeve publike na ka sqaruar se vendosja e kontenierëve të mbetjeve urbane është bërë sipas studimit dhe projektimit nga Bashkia Elbasan, dhe për heqjen e plehrave në mënyrë periodike merren dhe do të merren masat e duhura.
- **NjA 1** - Të zgjidhet problemi i pastrimit ditët e festave, pasi punëtorët nuk pastrojnë dhe rritet ndotja. Ky problem është zgjidhur tashmë dhe qyteti pastrohet në kohë edhe në ditë festash me nënshkrimin e kontratës së re me kompaninë e zgjedhur në fillim të Janarit 2022.

Prioritet 4. Ngritja e shkollave të reja, në veçanti në qytet ku numri i nxënësve në klasë është shumë i lartë.

- **NjA1** - Rikonstruktimi i shkollës “Naim Frashëri” **nuk është realizuar ende**. Bashkia Elbasan ka deklaruar se ky prioritet është i pamundur të përmbushet në këtë mandat pasi kërkon një grant qeveritar, i cili i kalon mundësitë e vetë bashkisë për ta përmbushur atë. Ndërkohë Bashkia ka deklaruar se ajo po zbaton me mbështetjen e Ministrisë së arsimit rikonstruksionin e 2 shkollave të mesme, gjimnazi i përgjithshëm K.Kristoforidhi dhe shkolla e mesme e muzikës.

Prioritet 5. Vendosja e autobuzëve në linjat e njësive administrative Papër, Funar, Shushicë. Publikimi në stacion i orareve të mbërritjes dhe nisjes së autobuzëve.

Ky prioritet nuk merret parasysh pasi Transporti sipas Bashkisë realizohet me autobuzë/taksi private, përveç Nj. Administrative Shushicë e cila mbulohet nga urbani i qytetit.

Nga monitorimi që i kemi bërë faqes se internetit të Bashkisë Elbasan, FaceBook të Bashkisë, faqes personale të Kryetarit si në FaceBook dhe në Instagram, vërejmë se në një pjesë të mirë të publikimeve janë pasqyruar ndërhyrjet në ato zona, të cilat kanë qenë target i prioritetëve.

Vlerësim i thelluar dhe Përfundime

Ajo që mund të prezantojmë në këtë fazë të projektit është se Bashkia ka treguar seriozitet dhe angazhim në përmbushjen e prioritetëve dhe ky fakt reflektohet në përmbushjen e 80 % të prioritetëve të hartuara në kontratën sociale dhe ka në zbatim edhe 20 % te tjera.

Me nxitjen e herëpashershme nga organizata TVO, por edhe angazhimin e Bashkisë ndaj

komunitetit ka një transparencë të shtuar në bërjen publike të çdo iniciative të ndërmarë dhe kjo reflektohet në publikimet që bëhen në rrjetet sociale të Bashkisë.

Gjithashtu TVO NGO duke qenë pjesë e procesit të konsultimeve publike sic ishte dhe takimi i fundit për diskutimin dhe bërjen transparent të PBAs ka monitoruar takimet që janë zhvilluar në zonat prioritare të kontratës sociale. Është observuar një rritje e përfaqësimit të komunitetit në takime si dhe është kërkuar llogaridhënia nga komuniteti për çdo premtim të dhënë nga Bashkia Elbasan.

Përmbushja e prioriteve të kontratës sociale të Bashkisë Elbasan do të jetë në fokusin e PBA 2022-2024. Fokusi kryesor i këtij buxhetimi afatmesëm, sipas kryebashkiakut është rritja e cilësisë në shërbime për ujitjen e kullimin, sportin, kulturën, bujqësinë, etj.


Raporti i monitorimit për vitin e 2-të të kontratës sociale do të prezantohet brenda muajit Dhjetor tek përfaqësuesit e Bashkisë Elbasan dhe përfaqësuesit e Njësive administrative, nga ku dolën prioritetet e kontratës sociale.

Rekomandime


- Prioritetet e papërmbushura të kontratës sociale të bëhen pjesë e planit buxhetor të vitit 2023.
- Furnizimi me ujë të pijshëm 24 orë nga masa 80% që është aktualisht të bëhet në masën 100 %
- Të rishikohet ofrimi i transportit publik për NjA e zonave rurale të cilat nuk e aksesojnë dot atë;
- Të konsiderohet përmbushja e prioritetëve të kontratës sociale edhe nga këndvështrimi gjinor duke i dhënë më shumë përparësi realizimit të atyre prioritetëve që kanë një numër të madh përfituesish gra dhe fëmijë (rikonstruksioni i shkollës Naim Frashëri duke shtuar dhe ambiente sportive etj).
- Rritje e kërkesës së llogarisë ndaj kompanisë të pastrimit të mbetjeve në Elbasan.
- Të shikohen me përparësi shqetësimet e ngritura nga komuniteti gjatë takimeve të fundit të realizuara në muajin Shtator 2022-Shtator 2023 përse i përket shërbimeve publike në NjA të zonave rurale.

ANEKSE

Prioriteti Nr. 1




Prioriteti Nr.2



Prioriteti Nr.3



Prioriteti Nr.4 & 5



KONTRATA SOCIALE Bashkia Elbasan

Përballja e Ofertave Politike - POP 2021, është një nismë e rrjetit të 12 organizatave të shoqërisë civile shqiptare¹

PRIORITETET E KOMUNITETIT
BASHKIA ELBASAN
KORRIK 2021

Prioritet 1: Hartimi i nje projekti dhe me pas financimi per rehabilitimin i rrugës kryesore që lidh bashkinë me njësitë administrative dhe vijimi i investimeve që përmirësojnë infrastrukturën dhe rrugët dytësore, për secilën njësi.

- **NjA Funar** – Projektimi i rrugës kryesore që lidh njesinë me Bashkinë Elbasan
- **Nja Funar** - Rikonstruktimi i urës së fshatit
- **NjA Shushice** - Rikonstruktimi i rrugës së Shelcanit
- **NjA 1** - Pajisja me ndriçim në rrugën kryesore
- **NjA 1** - Rehabilitimi i rrugës së ish konservimit.
- **NjA 1** - Rikonstruktimi i rruges se varrezave ne lagjen Emin Matraxhiu.

Prioritet 2. Adresimi me prioritet i furnizimit me ujë dhe problemeve me kanalizimet për secilën prej njësive vijuese.

- **Në lagjen 28 Nëntori** Ka pallate që kanë 2 ore ujë të pijshëm ne dite, shtimi i fashës së orarit.
- **NJA Funar** – Rikonstriksioni i shpërndarjes së ujit të pijshëm.
- **NjA Shirgjan** – Ka dite që mungon uji per vaditje, sigurimi në mënyrë të vazhdueshme i ujit për vaditje.

Prioritet 3. Përmirësim i cilësisë së pastrimit sipas njësive.

- **NjA Papër** - Mungojnë koshat për grumbullimin e plehrave.
- **NjA Funar** - Mungojnë koshat e plehrave.
- **NjA 1** - Kosha plehrash ka por janë larg vendeve të banimit.
- **NjA 1** - Të zgjidhet problemi i pastrimit ditët e festave, pasi punëtorët nuk pastrojnë dhe rritet ndotja.

Prioritet 4. Ngritja e shkollave të reja, në veçanti në qytet ku numri i nxënësve në klasë është shumë i lartë.

NjA 1 - Rikonstruktimi i shkollës Naim Frasheri

Prioritet 5. Vendosja e autobuzëve në linjat e njëjësive administrative Papër, Funar, Shushicë. Publikimi në stacion i orareve të mbërritjes dhe nisjes së autobuzëve.

Tjetër Vizion

Kryetar i Bashkisë Elbasan

Arian ÇALA

Gledian LLATJA

Linqet e vendimeve te keshillit bashkiak 2023

<https://elbasani.gov.al/wp-content/uploads/2023/02/Vendimet-Janar2023.pdf>

<https://elbasani.gov.al/vendime-keshilli-bashkiak-shkurt-2023/>

<https://elbasani.gov.al/vendime-keshilli-bashkiak-mars-2023/>

<https://elbasani.gov.al/vendime-keshilli-bashkiak-prill-2023/>

<https://elbasani.gov.al/vendime-keshilli-bashkiak-maj-2023/>

<https://elbasani.gov.al/vendime-keshilli-bashkiak-qershor-2023/>

<https://elbasani.gov.al/vendime-keshilli-bashkiak-korrik-2023/>

<https://elbasani.gov.al/vendime-keshilli-bashkiak-gusht-2023/>

<https://elbasani.gov.al/vendime-keshilli-bashkiak-shtator-2023/>